

Broj 7, april 2008.

Dobrodošli,

Period od pojave crno-bijelog televizora početkom 1930., preko televizora u boji do televizora visoke rezolucije, je dug period inovacija i tehnoloških dostignuća koji je promijenio način posmatranja i očekivanja gledatelja širom svijeta.

Prednosti koje donosi digitalno emitovanje, široki ekran, čista i oštra slika, bolji zvuk učinili su da se proces digitalizacije posljednjih godina znatno ubrzao. Bosna i Hercegovina je shvatila značaj i obavezu uvođenja digitalne televizije, koristi koje ona donosi, tako da ubrzano radi na realizaciji projekta uvođenja digitalne televizije koji je od značaja za BiH i cijeli sektor komunikacija.

Aktivnosti u martu

Sastanci radnih grupa DTT Foruma, DTT radionica za tehniku, prijedlozi Pilot projekta su samo neke od aktivnosti i događaja u radu DTT Foruma koje su obilježile mart i april.

Sastanak radne grupa za tehniku (RG3) i radne grupe za promociju (RG4) sa članovima RG RAK održan je 7. marta 2008. godine u Regulatornoj agenciji za komunikacije.

Na sastanku je ukratko iznesen pregled aktivnosti RG3 i RG4.

- ☉ Koordinator radne grupe **prof. dr. Mirko Škrbić** ukratko je predstavio Prilog za izradu Strategije o digitalnom emitovanju u BiH pripremljen od radne grupe za tehniku.
- ☉ Na sastanku kojem je prisustvovao i **Božidar Škravan**, savjetnik ministra prometa i komunikacija BiH, zaključeno je da je neophodno nastaviti intenzivnu saradnju i komunikaciju između DTT Foruma i Ministarstva.



Sastanak RG3 i RG4

Sastanak radne grupa za društveno - ekonomske odnose (RG5) sa članovima RG RAK održan je 18. marta 2008. godine u Regulatornoj agenciji za komunikacije.

- ☉ Koordinator radne grupe **Melika Husić** je informisala o radu RG5. Predstavljene su ukratko analize 14 zemalja u okruženju, analize 5 zemalja sa ekonomskim osvrtom i ekonomsko finansijske analize tri zemlje.
- ☉ Jedan od zaključaka sa sastanka je prijedlog za subvencioniranje nabavke set-top box-ova. Također razgovaralo se javnom RTV sistemu kao nociocu uvođenja digitalne televizije, imajući u vidu evropsku praksu i ekonomsku i finansijsku stranu.



Sastanak RG5 održan 18. marta

Sastanak radne grupa za sadržaj (RG2) i RG RAK održan je 21. marta 2008. godine u Regulatornoj agenciji za komunikacije.

- ☉ **Elvir Šurković**, koordinator radne grupe za sadržaj je ukratko dao osvrt na dokument koji je radna grupa za sadržaj pripremila «Digitalna evolucija u RTV proizvodnji»
- ☉ Na sastanku je rečeno da radna grupa za sadržaj u strategiji mora odrediti na koji način pristupiti novim servisima, preporučiti edukaciju i motivisati TV stanice kako bi se programsko osoblje upoznalo sa svim mogućnostima nove tehnologije.
- ☉ Zaključeno je da je potrebno jasno definisati ciljeve Pilot projekta sa stanovišta programskog sadržaja.



Sastanak radne grupe za sadržaj

Sastanak Vijeća DTT Foruma Bosne i Hercegovine održan je 4. marta 2008. godine u Regulatornoj agenciji za komunikacije.

Zajednički sastanak Vijeća DTT Foruma i koordinatora radnih grupa DTT Foruma održane je u prostorijama Regulatorne agencije za komunikacije. Sastanku su pored koordinatora radnih grupa i sekretarijata prisustvovali čelnici RAK-a, **Kemal Huseinović**, generalni direktor RAK-a, **Dunja Mijatović**, direktorica Sektora za emitovanje **Fikret Kasumagić**, direktor Sektora za telekomunikacije i savjetnik ministra za promet i komunikacije **Božidar Škravan**.



Sastanak Vijeća DTT Foruma

- ☉ Koordinator radnih grupa su predstavili ukratko rezultate rada radnih grupa
- ☉ Na sastanku je zaključeno da je potrebno promovisanje digitalne televizije i upoznavanje javnosti sa digitalnom televizijom i procesom digitalizacije u Bosni i Hercegovini.

- ☉ Konstatovano je da je postignut napredak u dosadašnjem radu DTT Foruma Bosne i Hercegovine i data je podrška nastavku uspješne suradnje Ministarstva komunikacija i prometa BiH i Regulatorne agencije za komunikacije.

Sastanak radne grupe za tehniku održan je 7. aprila 2008. godine u Regulatornoj agenciji za komunikacije.

- ☉ Koordinator radne grupe za tehniku prof. **Mirko Škrbić** je izložio ukratko rezultate rada radne grupe za tehniku.
- ☉ Ivan Soljić je prezentirao nacrt dokumenta "Tehničko rješenje zamjene analognih mikrotalasnih linkova Javnog RTV Servisa BiH na 2,0 i 3,5 GHz frekventnim opsezima "
- ☉ Usvojen je prijedlog tehničkog standarda MPEG4 za uvođenje DTT u Bosni i Hercegovini.
- ☉ Predloženo je da se prijedlog Pilot projekta iznese na DTT radionici



Na sastanku RG za tehniku razgovaralo se o usvajanju tehničkog standarda za DTT

Sastanak radne grupe za regulativu održan je 10. aprila 2008. godine u Regulatornoj agenciji za komunikacije.



Sastanak radne grupe za regulativu

- Na sastanku je Predstavljen novi član radne grupe **Dženita Jugo** iz Direkcije za evropske integracije koja je zamijenila dosadašnjeg člana iz DEI-a.
- Podijeljeni su zadaci i rokovi u okviru radne grupe za regulativu za analizu pravnog

DTT Radionica

DTT Radionica je održana 17. aprila 2008. god. u hotelu «Bosna». Na radionicu su pozvane sve televizijske stanice u Bosni i Hercegovini i ostale zainteresovane strane. Cilj radionice je bio da se približe tehnička pitanja korisnicima dozvola RAK-a koja su se odnosila na uvođenje digitalne televizije u Bosni i Hercegovini.



DTT Radionica na temu uvođenje digitalne televizije u BiH održana je u hotelu «Bosna»

Na DTT Radionici su prezentirali:

- Prezentacija rada DTT Foruma BiH, **Emir Vajzović**, sekretar DTT Foruma
- Digitalni plan frekvencija u BiH i GE06, **Damir Karahodžić**, RAK
- Uvođenje DTT u Bosni i Hercegovini, **Senad Namgaliya**, RAK
- Prijedlog pilot projekta DTT u BiH, **Jasmin Mušović**, RAK
- Također, prisutnima su prezentirali i predstavnici proizvođača opreme za digitalno emitovanje najnovija tehnološka dostignuća i određene modele digitalnog emitovanja u praksi.

DTT Vijesti

SAD

LG Electronics Co., ove godine očekuje prodaju od 5 mil digitalnih set-top box-ova u SAD. Od 35 mil domaćinstava koja trenutno imaju analognu televiziju a predviđa se da će 25-30 mil najvjerojatnije kupiti digitalni set-top box čije subvencioniranje je planirano od strane države. Nabavka digitalnih set-top box-ova je jeftinija vrijanta nego kupovina digitalnih televizora, izjavio je predstavnik LG kompanije.

Izvor: <http://www.tradingmarkets.com/.site/news/Stock%20News/1266093/>



Crna Gora

PODGORICA - Građani Crne Gore od 2012. biće ograničeni samo na prijem digitalnog radio-difuznog signala, a najjeftiniji način za to je kupovina STB (Set top box) aparata, čija je projektovana cijena oko 80 eura. Druga mogućnost je kupovina IDTV (Integrated digital television) televizijskog prijemnika, koji direktno omogućava prikaz digitalnog televizijskog signala bez posredstva STB-a. U Agenciji za radio-difuziju (ARD), koja će implementirati Strategiju prelaska s analognih na digitalne radio-difuzne sisteme, procjenjuju da će u početku biti potrebno oko 100.000 STB uređaja, koji zajedno s antenom omogućavaju da analogni televizor ostvari prijem digitalnih signala.

Izvor: <http://www.republika.cg.yu/naslovna.phtml?akcija=vijest&id=105267>

Francuska

Istraživanja Yacast pokazuju da su troškovi koji se odvajaju za oglašavanje DTT platforme znatno uvećani. U poređenju sa 2007, u prvom kvartalu 2008.god. troškovi za reklame su se udvostručili.

Izvor: <http://www.digitag.org/DTTNews/article.php?id=2169>

Rječnik digitalnih pojmova

Advanced Television Systems Committee (ATSC)

Odbor osnovan od FCC definiše nove standarde za naprednu televiziju.

Federal Communications Commission (FCC) - Federalna komisija za komunikacije

Nezavisna američka vladina agencija odgovorna Kongresu, osnovana 1934, reguliše međudržavne i internacionalne komunikacije radija, televizije, žica (telegrafa), kablova i satelita.

ATV (Advanced television)

Napredna televizija zasnovana na temeljima FCC.

Planirane aktivnosti

- 📧 22. maj - konferencija - „Strategija prelaska na digitalno emitovanje u BiH“
- 📧 Redovni sastanci radnih grupa DTT Forumu

Sekretarijat DTT Forumu izdaje Bilten jednom mjesečno za potrebe informisanja zainteresovanih strana. Svi podaci objavljeni u Biltenu su isključivo informativnog karaktera, te DTT Forum ne snosi nikakvu odgovornost za eventualne posljedice nastale njihovom upotrebom. Emir Vajzović, sekretar DTT Forumu BiH - Indira Vasković asistent Sekretarijata DTT Forumu BiH.